


# Cyllid Myfyrwyr

Adroddiad Archwilydd Cyffredinol Cymru

Awst 2021



## Paratowyd yr adroddiad hwn i'w gyflwyno i'r Senedd o dan Ddeddfau Llywodraeth Cymru 2006.

Mae'r Archwilydd Cyffredinol yn annibynnol o'r Senedd ac o lywodraeth. Mae'n archwilio ac yn ardystio cyfrifon Llywodraeth Cymru a'r cyrff cyhoeddus sy'n gysylltiedig â hi ac a noddir ganddi, gan gynnwys cyrff y GIG. Mae ganddo'r pŵer i gyflwyno adroddiadau i'r Senedd ar ddarbodaeth, effeithlonrwydd ac effeithiolrwydd y defnydd a wna'r sefydliadau hynny o'u hadnoddau wrth gyflawni eu swyddogaethau, a sut y gallent wella'r defnydd hwnnw.

Mae'r Archwilydd Cyffredinol hefyd yn archwilio cyrff llywodraeth leol yng Nghymru, mae'n cynnal astudiaethau gwerth am arian mewn llywodraeth leol ac yn arolygu cydymffurfiaeth gydag anghenion Mesur Llywodraeth Leol (Cymru) 2009.

Mae'r Archwilydd Cyffredinol yn ymgymryd â'i waith gan ddefnyddio staff ac adnoddau eraill a ddarperir gan Swyddfa Archwilio Cymru, sydd yn fwrdd statudol wedi'i sefydlu ar gyfer y nod hwnnw ac i fonitro a chynghori'r Archwilydd Cyffredinol.

© Archwilydd Cyffredinol Cymru 2021

Archwilio Cymru yw brand ymbarél Archwilydd Cyffredinol Cymru a Swyddfa Archwilio Cymru, sy'n endidau cyfreithiol ar wahân gyda'u swyddogaethau cyfreithiol eu hunain. Nid yw Archwilio Cymru ei hun yn endid cyfreithiol. Er bod gan yr Archwilydd Cyffredinol y swyddogaethau archwilio ac adrodd a ddisgrifir uchod, prif swyddogaethau Swyddfa Archwilio Cymru yw darparu staff ac adnoddau eraill ar gyfer arfer swyddogaethau'r Archwilydd Cyffredinol, ac i fonitro a chynghori'r Archwilydd Cyffredinol.

Cewch aildefnyddio'r cyhoeddiad hwn (heb gynnwys y logos) yn rhad ac am ddim mewn unrhyw fformat neu gyfrwng. Os byddwch yn ei aildefnyddio, rhaid i chi ei aildefnyddio'n gywir ac nid mewn cyd-destun camarweiniol. Rhaid cydnabod y deunydd fel hawlfraint Archwilydd Cyffredinol Cymru a rhaid rhoi teitl y cyhoeddiad hwn. Lle nodwyd deunydd hawlfraint unrhyw drydydd parti bydd angen i chi gael caniatâd gan ddeiliaid yr hawlfraint dan sylw cyn ei aildefnyddio.

Am fwy o wybodaeth, neu os ydych angen unrhyw un o'n cyhoeddiadau mewn ffurf ac/neu iaith wahanol, cysylltwch â ni drwy ffonio 029 2032 0500 neu drwy e-bostio [post@archwilio.cymru](mailto:post@archwilio.cymru). Rydym yn croesawu galwadau ffôn yn Gymraeg a Saesneg. Gallwch ysgrifennu atom hefyd, yn Gymraeg neu'n Saesneg, a byddwn yn ymateb yn yr iaith rydych chi wedi ei defnyddio. Ni fydd gohebu yn Gymraeg yn arwain at oedi.

This document is also available in English.

# Cynnwys

---

Negeseuon allweddol	4
Ffeithiau allweddol	7
Argymhellion	8
<b>Prif adroddiad</b>	
1 Trosolwg o'r system cyllid myfyrwyr	9
2 Gwariant Llywodraeth Cymru ar fenthyciadau a grantiau i fyfyrwyr	22
3 Goruchwyliaeth Llywodraeth Cymru ar weinyddu cyllid myfyrwyr	29
<b>Atodiadau</b>	
1 Ymagwedd a dulliau archwilio	39
2 Dangosyddion perfformiad y Cwmni Benthyciadau i Fyfyrwyr, 2019-20 a 2020-21	40
3 Perfformiad Cyllid Myfyrwyr Cymru	45



# Negeseuon allweddol

- 1 Mae Llywodraeth Cymru'n rhoi cymorth ariannol i fyfyrwyr mewn addysg uwch trwy fenthyciadau a grantiau. Mae myfyrwyr cymwys yn cael cymorth i dalu costau byw a ffioedd dysgu. Ar ôl eu hastudiaethau, mae cyn-fyfyrwyr yn dechrau ad-dalu benthyciadau unwaith y mae eu henillion yn cyrraedd trothwy penodol.
- 2 Mae Llywodraeth Cymru yn talu i'r Cwmni Benthyciadau i Fyfyrwyr am weinyddu cyllid myfyrwyr ar ei rhan. Mae'r Cwmni Benthyciadau i Fyfyrwyr yn rheoli'r broses o 'ymgeisio, asesu, talu ac ad-dalu' o'i dechrau i'w diwedd ac mae Cyllid Myfyrwyr Cymru'n frand y mae'r Cwmni Benthyciadau i Fyfyrwyr yn ei ddefnyddio i ddisgrifio'i wasanaethau ar gyfer myfyrwyr sydd fel arfer yn byw yng Nghymru. Mae prifysgolion a Cyllid a Thollau EM yn chwarae rhan yn y system ehangach hefyd.
- 3 Mae'r adroddiad hwn yn egluro sut y mae'r system cyllid myfyrwyr yn gweithio i fyfyrwyr o Gymru ac yn ystyried sut y mae Llywodraeth Cymru'n goruchwyllo'r system. Mae **Atodiad 1** yn egluro ein hymagwedd a'n dulliau archwilio.

## **Mae'r modd y mae Llywodraeth Cymru'n rheoli cyllid myfyrwyr o ddydd i ddydd yn effeithiol ond, o ystyried y costau cysylltiedig, mae angen mwy o graffu ar lefel strategol**

- 4 Mae cost cyllid myfyrwyr yng Nghymru wedi cynyddu dros y blynyddoedd diwethaf. Talodd Llywodraeth Cymru bron i £1.1 biliwn mewn benthyciadau a grantiau i fyfyrwyr yn 2019-20, 35% yn fwy nag yn 2015-16. Dros yr un cyfnod, mae cyfanswm gwerth y benthyciadau i fyfyrwyr sy'n ddyledus i Lywodraeth Cymru wedi cynyddu o £3.2 biliwn i £5.3 biliwn.
- 5 Ni fydd Llywodraeth Cymru'n cael popeth sy'n ddyledus iddi mewn addaliadau ar fenthyciadau yn ôl. Yn 2019-20, roedd Llywodraeth Cymru'n amcangyfrif y byddai'n adennill 65c am bob £1 sy'n ddyledus iddi trwy fenthyciadau i fyfyrwyr. Mae hyn yn llai na'r 81c yr oedd yn amcangyfrif y byddai'n ei adennill yn 2015-16, yn bennaf am bod newidiadau i'r pecyn cymorth ariannol wedi golygu bod mwy o fyfyrwyr yn cymryd benthyciadau mwy sy'n llai tebygol o gael eu had-dalu'n llawn.

- 6 Mae'n bwysig bod Llywodraeth Cymru'n rheoli ei gwariant ar gyllid myfyrwyr, yn enwedig o ystyried y symiau mawr sy'n gysylltiedig. Mae hefyd yn bwysig bod Llywodraeth Cymru'n goruchwyllo'r gwasanaethau a ddarperir gan y Cwmni Benthyciadau i Fyfirwyr a Cyllid Myfyrwyr Cymru mewn modd effeithiol. Ers dechrau 2018-19, mae Llywodraeth Cymru wedi bod yn talu ychydig dros £20 miliwn y flwyddyn i'r Cwmni Benthyciadau i Fyfirwyr am weinyddu cyllid myfyrwyr.
- 7 Mae Llywodraeth Cymru'n gyfranddaliwr lleiafrifol yn y Cwmni Benthyciadau i Fyfirwyr, gyda chyfran o 5%. Mae Gogledd Iwerddon a'r Alban ill dwy'n dal 5% yr un tra bo'r gyfran reolaethol o 85% yn cael ei dal gan Adran Addysg Llywodraeth y DU. Mae Llywodraeth Cymru yn cael peth sicrwydd o gyfranogi yn nhrefniadau llywodraethu cyffredinol y Cwmni Benthyciadau i Fyfirwyr, craffu ar berfformiad y Cwmni Benthyciadau i Fyfirwyr, risgiau a'i sefyllfa ariannol.
- 8 Mae Llywodraeth Cymru wedi'i hargyhoeddi bod ganddi lais cyfartal yn y broses o bennu amcanion polisi ar gyfer y Cwmni Benthyciadau i Fyfirwyr, er nad felly y bu hi bob amser. Mae graddfa'r gwasanaeth ar gyfer Cymru, fel cyfran o weithgarwch y Cwmni Benthyciadau i Fyfirwyr ar y cyfan, wedi cyfyngu o bryd i'w gilydd ar allu Llywodraeth Cymru i roi newid ar waith yn gyflym. Fodd bynnag, nid oes sancsiynau gwirioneddol am beidio â chyflawni. Pe bai Llywodraeth Cymru'n cosbi'r Cwmni Benthyciadau i Fyfirwyr yn ariannol, mae'n debygol y byddai hynny'n cael effaith uniongyrchol ar wasanaethau a ddarperir ar gyfer myfyrwyr o Gymru.
- 9 Mae'r modd y mae Llywodraeth Cymru'n rheoli'r broses o weinyddu cyllid myfyrwyr o ddydd i ddydd yn gweithio'n dda ond yn dibynnu'n fawr ar nifer fach o unigolion. Ceir risgiau sy'n gysylltiedig â chynllunio ar gyfer olyniaeth a swyddi gwag yn y tîm yn Llywodraeth Cymru sy'n cynnal cyswllt â Cyllid Myfyrwyr Cymru.
- 10 Ceir rhai cyfyngiadau i'r modd y mae Llywodraeth Cymru'n craffu'n gyffredinol ar y Cwmni Benthyciadau i Fyfirwyr. Er bod Llywodraeth Cymru wedi gwella'i defnydd o ddata sy'n ymwneud yn benodol â Chymru i adnabod materion o ran perfformiad sy'n berthnasol i Gymru'n benodol, gallai wneud gwelliannau pellach trwy adrodd ar ddata tuag i fyny trwy ei strwythurau llywodraethu i ystyried a yw'r Cwmni Benthyciadau i Fyfirwyr yn sicrhau gwerth am arian. Hefyd, mae cyfle i gynnwys myfyrwyr mewn modd mwy ystyrllon wrth gynllunio a monitro'r drefn ar gyfer gweinyddu cyllid myfyrwyr.
- 11 Mae Llywodraeth Cymru wedi rhoi peth ystyriaeth i fodolau amgen ar gyfer gweinyddu cyllid myfyrwyr. Ar hyn o bryd, mae'n fodlon gan mwyaf ar y gwasanaeth y mae'n ei gael gan y Cwmni Benthyciadau i Fyfirwyr ac nid oes unrhyw gynlluniau i symud i ffwrdd oddi wrth y model sy'n golygu bod y Cwmni Benthyciadau i Fyfirwyr yn gweinyddu cymorth i fyfirwyr ar ei rhan.



Rydym yn cyhoeddi'r adroddiad hwn pan fydd llawer o'n pobl ifanc yn paratoi i fynd i mewn i addysg uwch am y tro cyntaf. Mae sicrhau bod myfyrwyr yn deall y cymorth ariannol a gynigir a'u bod yn gallu cael gafael arno'n rhwydd yn hollbwysig. Mae'r symiau sy'n gysylltiedig ar y cyfan a'r angen i ragweld ad-daliadau ar fenthyciadau'n golygu bod cyllid myfyrwyr yn nodwedd bwysig yng nghyfrifon blynyddol Llywodraeth Cymru.

Felly mae ein canfyddiadau ni am y ffordd y mae Llywodraeth Cymru'n rheoli cyllid myfyrwyr yn dda i'w gweld. Ond o ystyried y symiau cysylltiedig, dylai gryfhau'r modd y mae'n craffu ar berfformiad y Cwmni Benthyciadau i Fyfyrwyr, sicrhau bod anghenion a phrofiadau myfyrwyr o Gymru'n ganolog i'w phrosesau penderfynu, ac ystyried gwerth am arian y gwasanaethau y mae'r Cwmni Benthyciadau i Fyfyrwyr yn eu darparu ar ei rhan.

---

**Adrian Crompton**  
Archwilydd Cyffredinol Cymru



# Ffeithiau allweddol

**£5.3 biliwn**

Yn ddyledus i Lywodraeth Cymru gan gyn-fyfyrwyr ar 31 Mawrth 2020



**259,600**

Nifer y cyn-fyfyrwyr o Gymru â balans benthyciad i fyfyrwr ar 31 Mawrth 2020

**65c yn y £1**

Yn 2019-20, roedd Llywodraeth Cymru'n amcangyfrif y byddai'n adennill 65c am bob £1 a roddwyd ganddi mewn benthyciadau



**£699 miliwn**

Wedi'i dalu gan Lywodraeth Cymru i fyfyrwyr mewn benthyciadau yn 2019-20

**£386 miliwn**

Wedi'i dalu gan Lywodraeth Cymru i fyfyrwyr mewn grantiau yn 2019-20

**£27,600**

Dyled gyfartalog cyn-fyfyrwyr â balans benthyciad ar ddiwedd 2020-21



**£27,295**

Y swm y mae angen i gyn-fyfyrwr fod yn ei ennill cyn ei fod yn dechrau ad-dalu ei fenthyciad yn 2021-22


**30 mlynedd**

Y cyfnod a gymerir nes bod y ddyled sydd heb ei chlirio gan y rhan fwyaf o gyn-fyfyrwyr yn cael ei dileu



**£23.4 miliwn**

Wedi'i dalu gan Lywodraeth Cymru i'r Cwmni Benthyciadau i Fyfyrwyr yn 2020-21 i weinyddu cyllid myfyrwr



# Argymhellion

## Argymhellion

### Monitro perfformiad

A1 Rydym yn argymell bod Llywodraeth Cymru'n gwella'r modd y mae'n monitro perfformiad y Cwmni Benthyciadau i Fyfirwyr trwy fynd ati'n rheolaidd i adolygu data ar lefel Cymru sy'n ymwneud â'r holl fesurau blynyddol, a thrwy adrodd yn rheolaidd ar ddarlun cynhwysfawr o berfformiad y Cwmni Benthyciadau i Fyfirwyr tuag i fyny trwy strwythur llywodraethu Llywodraeth Cymru. Dylai hyn oleuo ystyriaethau ehangach sy'n gofyn a yw'r pecyn o gymorth ariannol yn cyrraedd ei nodau hirdymor ar gyfer myfyrwyr ac addysg uwch.

### Datblygu cynaliadwy

A2 Rydym yn argymell bod Llywodraeth Cymru'n ystyried a all wneud mwy i gymhwyso'r pum ffordd o weithio a ddisgwyllir dan Ddeddf Llesiant Cenedlaethau'r Dyfodol (Cymru) 2015, i wella'r modd y gweinyddir cyllid myfyrwyr a'i goruchwyliaeth ar y Cwmni Benthyciadau i Fyfirwyr. Er enghraifft, dylai Llywodraeth Cymru ystyried sut y gall gynnwys myfyrwyr yn gynharach yn y broses benderfynu, a sut y bydd yn adolygu ei pherthynas â'r Cwmni Benthyciadau i Fyfirwyr yn gyson i sicrhau bod y model gweinyddu'n dal i fod yn gynaliadwy yn y tymor hir.

### Cynllunio ar gyfer olyniaeth a chydnerthedd

A3 Rydym yn argymell bod Llywodraeth Cymru'n adolygu arferion gweithio, trefniadau cynllunio ar gyfer olyniaeth a swyddi gwag yn ei Thîm Noddi'r Cwmni Benthyciadau i Fyfirwyr, i reoli risgiau sy'n gysylltiedig â'r ddibyniaeth ar nifer fach o staff.





# Trosolwg o'r system cyllid myfyrwyr

---

01

## Mae nifer o sefydliadau'n gysylltiedig â chyllid myfyrwyr

- 12 Mae Llywodraeth Cymru'n rhoi cymorth ariannol i fyfyrwyr mewn addysg uwch trwy fenthyciadau a grantiau. Nod y cymorth hwn yw dileu rhwystrau a galluogi myfyrwyr i fynd i'r brifysgol ni waeth beth fo incwm eu haelwyd.
- 13 Mae cyllid myfyrwyr yn gweithio ychydig yn wahanol ledled y DU. Mae pob llywodraeth yn penderfynu ar swm y cymorth ariannol a'r math o gymorth ariannol sydd ar gael. Mae Llywodraeth Cymru'n honni mai ei chymorth ariannol hi yw'r un mwyaf hael yn y DU.
- 14 Mae **Arddangosyn 1** yn crynhoi rolau nifer o sefydliadau yn y system cyllid myfyrwyr. Mae'n bwysig bod y sefydliadau hyn yn cydweithio i sicrhau bod myfyrwyr yn gallu cael mynediad at gymorth ariannol amserol a chywir yn ôl eu hamgylchiadau, a bod y cymorth hwn yn cael ei ad-dalu fel y bo'n briodol. Er mai Llywodraeth Cymru sy'n darparu'r arian ar gyfer cyllid myfyrwyr, y Cwmni Benthyciadau i Fyfyrwyr sy'n rheoli'r broses ymgeisio, asesu a thalu.

### Arddangosyn 1: sefydliadau sy'n rhan o'r system cyllid myfyrwyr

<b>Llywodraeth Cymru</b>	<p>Llywodraeth Cymru sy'n pennu polisi addysg i Gymru ac yn penderfynu ar y pecyn cymorth ariannol a ddarperir ar gyfer myfyrwyr o Gymru yn y brifysgol. Mae'n rhoi cymorth tuag at gostau byw a ffioedd dysgu trwy fenthyciadau a grantiau.</p>
<b>Y Cwmni Benthyciadau i Fyfyrwyr a Cyllid Myfyrwyr Cymru</b>	<p>Corff cyhoeddus anadrannol, dielw a noddir gan Adran Addysg Llywodraeth y DU (cyfranddaliwr 85%) a llywodraethau Cymru, Yr Alban a Gogledd Iwerddon (5% yr un) yw'r Cwmni Benthyciadau i Fyfyrwyr.</p> <p>Mae'r Cwmni Benthyciadau i Fyfyrwyr yn noddi'r broses o 'ymgeisio, asesu, talu ac ad-dalu' o'i dechrau i'w diwedd ar gyfer myfyrwyr sy'n byw yng Nghymru fel arfer. Brand y mae'r Cwmni Benthyciadau i Fyfyrwyr yn ei ddefnyddio i ddisgrifio'i wasanaethau i fyfyrwyr sy'n hano o Gymru yw Cyllid Myfyrwyr Cymru. Ar ran Llywodraeth Cymru, mae Cyllid Myfyrwyr Cymru'n darparu benthyciadau a grantiau cynhaliaeth yn uniongyrchol ar gyfer y myfyrwyr ac yn talu ffioedd dysgu'n uniongyrchol i brifysgolion.</p>

<b>Prifysgolion</b>	<p>Caiff cymorth ariannol ar gyfer ffioedd dysgu a ariennir trwy fenthyciadau i fyfyrwyr ei dalu'n uniongyrchol i'r brifysgol gan Cyllid Myfyrwyr Cymru. Mae myfyrwyr ôl-raddedig yn cael y cymorth yn uniongyrchol.</p> <p>Pan fo myfyrwyr yn cwblhau eu cofrestriad yn y brifysgol, mae'r brifysgol yn anfon cadarnhad electronig at Cyllid Myfyrwyr Cymru, sy'n sbardun i ryddhau'r cyllid.</p>
<b>Cyllid a Thollau EM (CaThEM)</b>	<p>Mae CaThEM yn hwyluso ad-daliadau gan gyn-fyfyrwyr sydd wedi canfod cyflogaeth. Mae'r rhai yn system dreth y DU yn ad-dalu benthyciadau trwy'r system Talu Wrth Ennill neu drwy ffurflenni treth hunanasesiad. Mae'n ofynnol i gyn-fyfyrwyr a gyflogir y tu allan i'r DU wneud ad-daliadau hefyd, er bod y taliadau hyn yn cael eu gwneud i'r Cwmni Benthyciadau i Fyfyrwyr ac nid CaThEM.</p> <p>Mae CaThEM yn anfon gwybodaeth am ad-dalu at y Cwmni Benthyciadau i Fyfyrwyr. Caiff ad-daliadau a gesglir gan CaThEM gan fyfyrwyr o Gymru eu trosglwyddo i Lywodraeth Cymru.</p>

Ffynhonnell: Archwilio Cymru

## Dim ond myfyrwyr cymwys sy'n cael cymorth ariannol

- 15 Dim ond os ydynt yn bodloni meini prawf penodol y mae myfyrwyr yn gymwys i gael cymorth ariannol. Mae'r meini prawf hyn yn amrywio gan ddibynnu ar y lefel (israddedig neu ôl-raddedig) a'r patrwm astudio (llawn-amser neu ran-amser). Mae **Arddangosyn 2** yn nodi'r prif feini prawf ar gyfer israddedigion llawn-amser, newydd.

## Arddangosyn 2: prif feini prawf cymhwystra cyllid myfyrwyr ar gyfer israddedigion llawn-amser, newydd yn 2021/22

<p><b>Cenedigrwydd a man preswyllo</b></p>	<p>Gall myfyriwr ymgeisio os yw'n bodloni'r amodau canlynol:</p> <ul style="list-style-type: none"> <li>• mae'n wladolyn y DU, yn ddinesydd Gwyddelig neu'n meddu ar statws preswyllydd sefydlog;</li> <li>• mae'n byw yng Nghymru ar ddiwrnod cyntaf blwyddyn academiaidd gyntaf ei gwrs; ac</li> <li>• mae wedi bod yn byw yn y DU a'r Ynysoedd am 3 blynedd cyn dechrau ei gwrs.</li> </ul> <p>Os bodlonir yr amodau uchod, caiff myfyrwyr eu hystyried yn fyfyrwyr o Gymru. Mae cyllid ar gael i fyfyrwyr yr UE sy'n astudio yng Nghymru hefyd (mae manylion llawn ar gael ar wefan Cyllid Myfyrwyr Cymru).</p>
<p><b>Cwrs</b></p>	<p>Rhaid i gwrs myfyriwr fod yn y DU ac arwain at gymhwyster mewn un o'r canlynol:</p> <ul style="list-style-type: none"> <li>• Gradd gyntaf, e.e. Baglor yn y Celfyddydau, y Gwyddorau neu mewn Addysg;</li> <li>• Gradd sylfaen;</li> <li>• Tystysgrif Addysg Uwch;</li> <li>• Diploma Addysg Uwch;</li> <li>• Tystysgrif Genedlaethol Uwch;</li> <li>• Diploma Cenedlaethol Uwch;</li> <li>• Tystysgrif Addysg i Raddedigion; neu</li> <li>• Addysg Gychwynnol i Athrawon.</li> </ul>
<p><b>Prifysgol neu goleg</b></p>	<p>Rhaid i brifysgol neu goleg myfyriwr fod:</p> <ul style="list-style-type: none"> <li>• yn cael ei (h)ariannu'n gyhoeddus (y llywodraeth yn talu amdano/ amdani); neu</li> <li>• yn cael ei (h)ariannu'n breifat ond yn rhedeg cwrs a gymeradwywyd ar gyfer cyllid gan Lywodraeth Cymru.</li> </ul>
<p><b>Oedran</b></p>	<p>I fod yn gymwys ar gyfer benthyciad cynhaliaeth, mae angen i fyfyriwr fod dan 60 oed ar ddiwrnod cyntaf blwyddyn academiaidd gyntaf y cwrs. Nid oes terfyn oedran uchaf ar gyfer grantiau neu benthyciad ffioedd dysgu.</p>

Sylwer: Mae pecynnau cymorth ariannol eraill ar gael i fyfyrwyr israddedig ac ôl-raddedig rhan-amser. Mae gan Cyllid Myfyrwyr Cymru fanylion llawn y cymorth sydd ar gael a'r meini prawf cymhwystra ar gyfer myfyrwyr o Gymru a myfyrwyr o'r UE sy'n astudio yng Nghymru ar ei wefan.

Ffynhonnell: Archwilio Cymru, gan ddefnyddio gwybodaeth o wefan [Cyllid Myfyrwyr Cymru](#)

## Gall pob myfyriwr gael gafael ar gymysgedd o gymorth trwy fenthyciad a grant

- 16 I wneud cais am gymorth, mae'r rhan fwyaf o fyfyrwyr yn defnyddio gwefan Cyllid Myfyrwyr Cymru er y gallant gyflwyno ffurflenni cais papur. Mae Cyllid Myfyrwyr Cymru'n asesu'r cais yn seiliedig ar dystiolaeth o gymhwystra ac, os derbynnir y cais, mae'n darparu hysbysiad o hawlogaeth gan nodi'r math o gymorth a lefel y cymorth a ddyfarnwyd i'r myfyriwr.
- 17 Mae'r cymorth sydd ar gael i fyfyriwr yn dibynnu ar incwm ei aelwyd yn ogystal â'i fan astudio a'r math o astudio. Mae **Arddangosyn 3** yn egluro'r cymorth gyda ffioedd dysgu a chostau byw sydd ar gael i israddedigion llawn-amser, newydd.

### Arddangosyn 3: prif ffynonellau cymorth ariannol sydd ar gael i israddedigion llawn-amser, newydd yn 2021/22

#### Cymorth gyda ffioedd dysgu

- pennir ffioedd dysgu gan brifysgolion. Yng Nghymru caiff y rhain eu capio ar £9,000 y flwyddyn ar gyfer israddedigion llawn-amser ond mewn rhannau eraill o'r DU gallant fod hyd at £9,250.
- rhoddir cymorth ar ffurf benthyciad ar gyfer ffioedd dysgu i dalu ffioedd y cwrs, a hwnnw'n cael ei dalu'n uniongyrchol i'r brifysgol gan Cyllid Myfyrwyr Cymru.
- nid yw'r cymorth hwn yn amrywio yn ôl incwm yr aelwyd.
- rhaid ad-dalu'r benthyciad ac mae llog yn cronni o'r diwrnod cyntaf.

#### Cymorth gyda chostau byw

- telir hwn i mewn i gyfrif banc y myfyriwr ar ddechrau pob tymor, ar ôl i'r cofrestriad gael ei gadarnhau gan y brifysgol.
- dwy elfen: Grant Dysgu Llywodraeth Cymru a'r Benthyciad Cynhaliath.

#### Grant Dysgu Llywodraeth Cymru

- i helpu gyda chostau fel bwyd, llyfrau a rhent.
- mae'r swm yn dibynnu ar incwm yr aelwyd a'r man astudio.
- bydd myfyrwyr yn cael grant o £1,000 o leiaf.
- uchafswm y grant yw £10,124.
- nid oes angen ad-dalu'r grant yma.

#### Benthyciad Cynhaliath

- wedi'i fwriadu i dalu costau byw tra bo'r myfyriwr yn y brifysgol.
- mae'r swm yn dibynnu ar incwm yr aelwyd.
- uchafswm y benthyciad yw £11,930.
- rhaid ad-dalu'r benthyciad ac mae llog yn cronni o'r diwrnod cyntaf.

Sylwer: Mae'r ffigyrau'n ymwneud â myfyrwyr israddedig llawn-amser, newydd, ar gyfer 2021/22. Mae pecynnau cymorth ariannol eraill ar gael i fyfyrwyr israddedig ac ôl-raddedig rhan-amser. Ceir cymorth ychwanegol hefyd os oes gan fyfyrwr anabledd, cyflwr iechyd hirdymor neu ddibynyddion. Mae gan Cyllid Myfyrwyr Cymru restr llawn o'r holl becynnau cymorth ar ei wefan.

Ffynhonnell: Archwilio Cymru, gan ddefnyddio gwybodaeth o [wefan Cyllid Myfyrwyr Cymru](#)

- 18 Mae swm y cymorth gyda chostau byw sydd ar gael yn amrywio rhwng £8,790 a £12,930 gan ddibynnu a yw myfyriwr yn byw gyda rhieni ynteu oddi cartref, ac mae gan y rhai sy'n astudio yn Llundain hawl i fwy o gymorth. Nid yw incwm yr aelwyd yn effeithio ar gyfanswm y cymorth gyda chostau byw sydd ar gael, ond mae'n effeithio ar y cydbwysedd rhwng y cymorth ar ffurf benthyciad a'r cymorth grant. Mae **Arddangosyn 4** yn dangos y cymorth sydd ar gael ac yn dangos sut y mae aelwydydd ar incwm is yn cael mwy ar ffurf grant a llai ar ffurf benthyciad.


**Arddangosyn 4: cymorth gyda chostau byw – grant dysgu neu fenthyciad cynhaliath – i israddedigion llawn-amser yn 2021/22**

Incwm yr aelwyd (£)	Yn byw gyda rhieni (£)			Oddi cartref, yn astudio'r tu allan i Lundain (£)			Oddi cartref, yn astudio yn Llundain (£)		
	Grant	Benth -yciad	Cyfan -swm	Grant	Benth -yciad	Cyfan -swm	Grant	Benth -yciad	Cyfan -swm
18,370 neu lai	6,885	1,905	<b>8,790</b>	8,100	2,250	<b>10,350</b>	10,124	2,806	<b>12,930</b>
25,000	5,930	2,860	<b>8,790</b>	6,947	3,403	<b>10,350</b>	8,643	4,287	<b>12,930</b>
35,000	4,488	4,302	<b>8,790</b>	5,208	5,142	<b>10,350</b>	6,408	6,522	<b>12,930</b>
45,000	3,047	5,743	<b>8,790</b>	3,469	6,881	<b>10,350</b>	4,174	8,756	<b>12,930</b>
59,200 neu fwy	1,000	7,790	<b>8,790</b>	1,000	9,350	<b>10,350</b>	1,000	11,930	<b>12,930</b>

Ffynhonnell: Cyllid Myfyrwyr Cymru, [Myfyrwyr newydd – Pa gymorth ariannol sydd ar gael?](#)

- 19 Mae Llywodraeth Cymru hefyd yn gweithredu Cynllun Canslo'n Rhannol, sy'n golygu bod hyd at £1,500 o falans benthyciad cynhaliath cyn-fyfyriwr yn cael ei glirio ar ôl ei ad-daliad cyntaf<sup>1</sup>. Mae'r holl gyn-fyfyriwr sydd wedi cymryd benthyciadau cynhaliath ers 2010/11 yn gymwys, ar yr amod nad ydynt wedi torri eu cytundeb ar gyfer y benthyciad. Nid yw'r trefniant hwn ar gael mewn rhannau eraill o'r DU.
- 20 Mae **Arddangosyn 5** yn dangos sut y mae cost flynyddol y Cynllun Canslo'n Rhannol wedi cynyddu ers ei gyflwyno yn 2011-12, gan godi i £27 miliwn yn 2019-20. Cyfanswm cost y cynllun hyd at 2019-20 yw £156 miliwn.

1 Mae Llywodraeth Cymru'n talu £1,500 o ddyled cyn-fyfyriwr, neu lai na £1,500 dan rai amgylchiadau, gan gynnwys pan nad yw'r myfyriwr wedi cymryd y benthyciad llawn a oedd ar gael iddo/iddi.

**Arddangosyn 5: costau'r Cyllid myfyrwyr: y cynllun dileu rhannol, rhwng 2011-12 a 2019-20**

Sylwer: mae'r ffigyrau hyn yn adlewyrchu'r symiau a ddilëwyd gan y Cwmni Benthyciadau i Fyfrwyr yng nghyfrifon myfyrwyr.

Ffynhonnell: Y Cwmni Benthyciadau i Fyfrwyr, [cyfres Benthyciadau i Fyfrwyr yng Nghymru](#) (Saesneg yn unig) a phapurau gwaith Llywodraeth Cymru sy'n ategu Cyfrifon Cyfunol blynyddoedd amrywiol



## Mae ad-daliadau'n dechrau unwaith y mae enillion cyn-fyfywrwyr uwchlaw trothwy penodol

- 21 Ar ddiwedd 2019-20, roedd 259,600 o gyn-fyfywrwyr o Gymru â balans benthyciad i fyfyrwr<sup>2</sup>. Bydd myfyrwyr llawn-amser yn dechrau ad-dalu yn y mis Ebrill wedi iddynt adael eu cwrs os yw eu henillion uwchlaw'r trothwy ad-dalu perthnasol.
- 22 Caiff ad-daliadau eu casglu trwy system dreth y DU, trwy Talu Wrth Ennill os yw cyn-fyfywrwyr yn gyflogedig, neu drwy'r broses hunanasesiad os ydynt yn hunangyflogedig. Os yw eu cyflog uwchlaw'r trothwy ad-dalu ar gyfer y benthyciad, bydd y cyflogwr yn cymryd ad-daliadau ac yn eu trosglwyddo i CaThEM. Mae CaThEM yn anfon gwybodaeth at y Cwmni Benthyciadau i Fyfywrwyr i ddiweddarau cofnod y cyn-fyfyriwr a'r ddyled sy'n dal heb ei chlirio.
- 23 Caiff llog ei ychwanegu at y benthyciad o'r dyddiad y gwneir taliad cyntaf y benthyciad i'r myfyriwr tan yr ad-daliad terfynol. Mae'r gyfradd llog yn gysylltiedig â'r Mynegai Prisiau Manwerthu. Rhaid gwneud ad-daliadau naill ai nes bod y ddyled (a'r llog sydd wedi cronni) wedi cael ei had-dalu'n llawn, neu nes bod y ddyled wedi'i dileu sef, yn ôl y rheolau cyfredol, 30 mlynedd ar ôl y dyddiad y mae'r myfyriwr i fod i ddechrau gwneud ad-daliadau. Os nad yw cyn-fyfyriwr byth yn cael swydd â chyflog uwchlaw'r trothwy ad-dalu, ni fydd unrhyw ran o'r benthyciad yn cael ei had-dalu.
- 24 Mae newidiadau i'r pecyn cyllid myfyrwyr wedi arwain at gynlluniau ad-dalu gwahanol gan ddibynnu pryd y cymerodd y cyn-fyfyriwr ei fenthyciad a'r math o astudio (israddedig neu ôl-raddedig). Mae **Arddangosyn 6** yn crynhoi'r tri phrif gynllun. Mae pob un yn amrywio o ran y gyfradd llog, y trothwy ad-dalu a dileu'r ddyled

---

2 Y Cwmni Benthyciadau i Fyfywrwyr, Tablau blwyddyn ariannol 2020-21 ar gyfer benthyciadau i fyfyrwyr addysg uwch yng Nghymru, Tabl 5A (i) (Saesneg yn unig)

## Arddangosyn 6: crynodeb o gynlluniau ad-dalu a throthwyon ad-dalu cyllid myfyrwyr ar gyfer 2021/22


Cynllun ad-dalu	Trothwy ad-dalu ar gyfer 2021/22	Cyfradd ad-dalu uwchlaw'r trothwy	Llog a godir	Pryd gaiff y ddyled ei dileu?
<p><b>Cynllun 1</b></p> <p>Myfyrwyr a ddechreuodd gwrs cyn 1 Medi 2012</p>	£19,895	9%	<p>Yr isaf o'r isod:</p> <ul style="list-style-type: none"> <li>Y Mynegai Prisiau Manwerthu yn y mis Mawrth blaenorol</li> <li>1% uwchlaw cyfradd sylfaenol Banc Lloegr</li> </ul>	<p>Ar gyfer benthyciadau a gymerwyd cyn 1 Medi 2006, bydd balans y benthyciad sy'n dal heb ei glirio ac unrhyw log yn cael eu canslo pan fydd y cyn-fyfyriwr yn troi'n 65.</p> <p>Ar gyfer benthyciadau a gymerwyd ar neu ar ôl 1 Medi 2006 ond cyn 1 Medi 2012, bydd balans y benthyciad sy'n dal heb ei glirio ac unrhyw log yn cael eu canslo ar ôl 25 mlynedd.</p>
<p><b>Cynllun 2</b></p> <p>Myfyrwyr a ddechreuodd gwrs israddedig ar neu ar ôl 1 Medi 2012</p>	£27,295	9%	<p>Tra ydynt yn astudio: Y Mynegai Prisiau Manwerthu +3%</p> <p>Ar ôl astudio: Mae'r llog yn seiliedig ar incwm:</p> <ul style="list-style-type: none"> <li>£27,295 neu lai = Y Mynegai Prisiau Manwerthu</li> <li>rhwng £27,295 a £49,130 = Y Mynegai Prisiau Manwerthu a hyd at 3%, gan ddibynnu ar incwm</li> <li>dros £49,130 = Y Mynegai Prisiau Manwerthu a 3%</li> </ul>	<p>Bydd unrhyw fenthyciad a llog sy'n weddill 30 mlynedd ar ôl y dyddiad pan oedd y cyn-fyfyriwr i fod i ddechrau gwneud ad-daliadau'n cael eu canslo.</p>

Cynllun ad-dalu	Trothwy ad-dalu ar gyfer 2021/22	Cyfradd ad-dalu uwchlaw'r trothwy	Llog a godir	Pryd gaiff y ddyled ei dileu?
<b>Cynllun 3</b> Myfyrwyr a ddechreuodd gwrs Meistr neu Ddoethur ôl-raddedig ar neu ar ôl 1 Awst 2018	£21,000	6%	Y Mynegai Prisiau Manwerthu + hyd at 3%	Bydd unrhyw fenthyciad a llog sy'n weddill 30 mlynedd ar ôl y dyddiad pan oedd y cyn-fyfyriwr i fod i ddechrau gwneud ad-daliadau'n cael eu canslo.

Ffynhonnell: Y Cwmni Benthyciadau i Fyfrwyr, [Benthyciadau i Fyfrwyr – canllaw i'r telerau ac amodau 2021 i 2022](#)

- 25 Ar ddiwedd 2020-21, y ddyled gyfartalog mewn perthynas â benthyciad ar gyfer cyn-fyfrwyr â balans benthyciad oedd £27,600. Mae hyn yn cynnwys myfyrwyr rhan-amser a'r rhai sydd wedi ymadael cyn cwblhau eu hastudiaethau, sy'n gostwng y cyfartaledd. Mae **Arddangosyn 7** yn dangos sut y mae'r ddyled gyfartalog wedi tyfu 45% ers 2016-17 pan oedd yn £19,070.

## Arddangosyn 7: dyled gyfartalog fesul cyn-fyfyriwr â balans benthyciad, rhwng 2016-17 a 2020-21



Sylwer: ar gyfer cyn-fyfywrwyr sydd wedi cyrraedd y trothwy ad-dalu, mae'r didyniad dan y Cynllun Canslo'n Rhannol (**paragraff 19**) wedi cael ei wneud o'u dyled lle y bo'n briodol. Lle nad yw cyn-fyfywrwyr wedi cyrraedd y trothwy, nid yw'r didyniad wedi cael ei wneud.

Ffynhonnell: Y Cwmni Benthyciadau i Fyfywrwyr [Tablau blwyddyn ariannol 2020-21 ar gyfer benthyciadau i fyfywrwyr addysg uwch yng Nghymru, Tabl 5A \(iii\)](#) (Saesneg yn unig)

26 Mae newidiadau i'r pecyn cymorth i fyfywrwyr dros amser, gan gynnwys y rhai a gyflwynwyd ym mis Medi 2018 yn dilyn 'Adolygiad Diamond'<sup>3</sup>, wedi cyfrannu at y ddyled gyfartalog uwch. Fe gomisiynodd Llywodraeth Cymru Adolygiad Diamond am nifer o resymau, gan gynnwys bwriad i ehangu mynediad at addysg uwch. Cafodd y Grant Ffioedd Dysgu<sup>4</sup> blaenorol ei dynnu'n ôl a chafodd y cymorth gyda ffioedd ei symud tuag at system a oedd yn fwy seiliedig ar fenthyciadau. Mae'r pecyn newydd wedi'i fwriadu i roi mwy o gymorth gyda chostau byw a chymorth sy'n gyfwerth â'r Cyflog Byw Cenedlaethol ar ei lefel uchaf. Gan bod y pecyn newydd yn fwy hael o ran cyfanswm y cymorth ariannol sydd ar gael i fyfywrwyr mae hynny hefyd wedi cyfrannu at y ddyled gyfartalog uwch.

3 Llywodraeth Cymru, [Adolygiad o Drefniadau Cyllido Addysg Uwch a Chyllid Myfyrwyr yng Nghymru, Medi 2016](#) (Saesneg yn unig)

4 Dyfarniad heb brawf modd a oedd yn rhan o'r pecyn cyllid myfyrwyr blaenorol yng Nghymru ac yn werth £4,954 ar gyfer myfyrwyr llawn-amser a oedd yn dechrau yn 2017/18 oedd y Grant Ffioedd Dysgu.

- 27 Mae'r cyfanswm y mae'n rhaid i gyn-fyfyriwr ei ad-dalu, a'r amser y bydd yn ei gymryd i ad-dalu ei ddyled yn llawn, yn dibynnu ar faint ei gyflog. Mae **Arddangosyn 8** yn dangos pedair enghraifft ddamcaniaethol o gyn-fyfyriwr, gyda'r un lefel o ddyled ond cyflogau dechreuol gwahanol. Mae'n rhoi bras amcan o'r symiau gwahanol y gallai pob person eu had-dalu, a'r amser y byddai'n ei gymryd i ad-dalu eu benthyciadau'n llawn.

**Arddangosyn 8: enghreifftiau o faint y gallai pobl â swm cyfartalog o ddyled ei ad-dalu, yn seiliedig ar wahanol gyflogau dechreuol**

	Person 1	Person 2	Person 3	Person 4
Cyflog dechreuol	£25,000	£30,000	£40,000	£50,000
Dyled dybiedig	£27,600	£27,600	£27,600	£27,600
Cyfanswm a gaiff ei ad-dalu gan gynnwys llog (bras amcan o'r gwerth enwol)	£0	£15,000	£50,000	£41,000
Dyled yn cael ei had-dalu'n llawn?	Na fydd	Na fydd	Bydd – 27 mlynedd	Bydd – 16 mlynedd

Sylwer: amcangyfrifon dangosol yn seiliedig ar dybiaethau penodol yw'r rhain. Rydym wedi tybio: bod cyflogau a throthwyon ad-dalu'n cynyddu yn unol â thwf enillion cyfartalog yn y DU, fel a ragwelwyd gan y Swyddfa Cyfrifoldeb Cyllidebol ym mis Mawrth 2020; bod llog yn cael ei gymhwyso'n flynyddol a bod y Mynegai Prisiau Manwerthu fel a ragwelwyd gan y Swyddfa Cyfrifoldeb Cyllidebol; nad oes egwylion ad-dalu; na wneir unrhyw ad-daliadau gwirfoddol ychwanegol mewn perthynas â'r benthyciad; a bod Llywodraeth Cymru wedi ad-dalu'r uchafswm o £1,500 ar bob benthyciad trwy'r Cynllun Canslo'n Rhannol.

Ffynhonnell: Cyfrifiadau Archwilio Cymru

- 28 Mae **Arddangosyn 8** yn dangos, er mai Person 4 sy'n ennill y cyflog uchaf, ei fod yn talu llai ar y cyfan na Pherson 3 yn y diwedd. Mae Person 4 yn gwneud ad-daliadau misol uwch ac yn ad-dalu'r ddyled yn gyflymach. Gyda llai o amser i gronni llog, yn y diwedd mae Person 4 yn talu llai na Pherson 3 dros oes y benthyciad.
- 29 Mae'r arddangosyn hefyd yn dynodi sut y mae eu cyflog dechreuol yn effeithio ar y cyfnod ad-dalu – sef yr amser y mae cyn-fyfyriwr yn ei dreulio'n gwneud ad-daliadau. Ar gyflogau dechreuol is (personau 1 a 2), mae'r cyfnod ad-dalu'n cyrraedd y terfyn o 30 mlynedd ac mae'r ddyled sy'n weddill yn cael ei dileu. Mae cyflogau uwch personau 3 a 4 yn golygu eu bod yn ad-dalu mwy o'u benthyciad bob mis, ac felly'n ad-dalu eu dyled i gyd cyn y terfyn o 30 mlynedd.



# Gwariant Llywodraeth Cymru ar fenthyciadau a grantiau i fyfyrwyr


---

02

## Mae cost cyllid myfyrwyr yng Nghymru wedi cynyddu dros y blynyddoedd diwethaf

30 Mae cyfanswm y cymorth ariannol blynyddol a roddir gan Lywodraeth Cymru i fyfyrwyr mewn addysg uwch wedi cynyddu 35% ers 2015-16, gan gyrraedd bron i £1.1 biliwn yn 2019-20 (**Arddangosyn 9**). Pan ystyrir chwyddiant, mae hyn yn gynydd o 24%.

### Arddangosyn 9: cymorth ar ffurf grantiau a benthyciadau a roddwyd i fyfyrwyr o Gymru, rhwng 2015-16 a 2019-20



Ffynhonnell: Dadansoddiad Archwilio Cymru o ddata a ddarparwyd gan Lywodraeth Cymru (nid yw'n cynnwys grantiau addysg bellach)

- 31 Ym mis Medi 2017, fe ymrwymodd Llywodraeth Cymru i 'gynyddu'n sylweddol y grantiau cynhaliaeth sydd ar gael i fyfyrwyr addysg uwch yng Nghymru, gan chwalu'r rhwystrau sy'n atal pobl rhag mynd i'r brifysgol a sicrhau bod grantiau a benthyciadau i fyfyrwyr yn cyfateb i'r Isafswm Cyflog Cenedlaethol'<sup>5</sup>. I gyflawni'r ymrwymiad hwn, fe gyflwynodd Llywodraeth Cymru Grant Dysgu Llywodraeth Cymru (**Arddangosyn 3**), er ei fod hefyd wedi tynnu'r Grant Ffioedd Dysgu yn ôl.
- 32 Dros y cyfnod o bum mlynedd a ddangosir yn **Arddangosyn 9**, bu gostyngiad yn y swm y mae myfyrwyr yn ei gael mewn grantiau, fel cyfran o gyfanswm y cymorth ariannol. Yn 2015-16, roedd cymorth ar ffurf grantiau'n rhoi cyfrif am 51% o gyfanswm y cymorth ariannol ac erbyn 2019-20 roedd hyn wedi gostwng i 36%. Mae'r gostyngiad hwn yn deillio o newidiadau yn dilyn Adolygiad Diamond (**paragraff 26**). Mae **Arddangosyn 9** hefyd yn dangos gostyngiad yn y cyfanswm a gaiff ei wario ar grantiau. Pan ystyrir chwyddiant, mae hyn yn cynrychioli gostyngiad o 13%<sup>6</sup>.
- 33 Mae'n bwysig bod Llywodraeth Cymru'n rheoli ei gwariant, yn enwedig o ystyried y symiau mawr sy'n gysylltiedig. Fodd bynnag, mae cynllunio'r gwariant hwn yn gymhleth gan ei fod yn seiliedig ar y galw i raddau helaeth. Yn y cyfnod o bedair blynedd rhwng 2016/17 a 2019/20, mae nifer yr israddedigion o Gymru wedi bod rhwng 81,760 ac 83,800. Yn ystod yr un cyfnod, fe gynyddodd nifer y myfyrwyr ôl-raddedig o 15,355 i 18,865<sup>7</sup>.
- 34 Ym mis Mehefin 2020, bu Pwyllgor Plant, Pobl Ifanc ac Addysg y Senedd yn trafod pryderon ynghylch y risg o ostyngiad yn niferoedd y myfyrwyr oherwydd pandemig COVID-19<sup>8</sup>. Fodd bynnag, mae data a gyhoeddwyd yn dynodi nad yw'r pandemig wedi cael yr effaith ar niferoedd y myfyrwyr yr oedd y Pwyllgor yn ei hofni, ddim eto o leiaf.

---

5 Llywodraeth Cymru, [Ffyniant i Bawb: y strategaeth genedlaethol](#), Medi 2017

6 I gyfrifo'r newidiadau hyn mewn termau real rydym wedi defnyddio [datchwyddwyr Trysorlys EM](#) (Saesneg yn unig) a gyhoeddwyd ym mis Mawrth 2021.

7 Stats Cymru, [Cofrestrïadau myfyrwyr o Gymru yn ôl blwyddyn, lefel a dull astudio, Ionawr 2021](#)

8 Y Pwyllgor Plant, Pobl Ifanc ac Addysg, [COVID-19: Sesiwn Dystiolaeth ar Effaith COVID-19 ar Addysg Uwch ac Addysg Bellach gyda Chynrychiolwyr Addysg Uwch](#), Mehefin 2020



- 35 Roedd gwybodaeth gan Wasanaeth Derbyn y Prifysgolion a'r Colegau (UCAS)<sup>9</sup> yn dangos, ar ddiwedd mis Mehefin 2020, bod mwy o ymgeiswyr i brifysgolion ledled y DU â chynnig pendant i ddechrau cwrs yn hydref 2020 nag ar yr un adeg y flwyddyn cynt. Ar gyfer Cymru yn unig, roedd nifer yr ymgeiswyr yn ddigynffwrdd i raddau helaeth (21,470 ym mis Mehefin 2019 a 21,330 ym mis Mehefin 2020) ac ym mis Ionawr 2021 roedd nifer y ceisiadau wedi cynyddu o'i gymharu â'r flwyddyn flaenorol (18,430 ym mis Ionawr 2020 a 21,120 ym mis Ionawr 2021). Wrth gynllunio cyllid myfyrwyr, mae Llywodraeth Cymru'n defnyddio ystod o senarios ar gyfer tueddiadau yn niferoedd y myfyrwyr ac ar hyn o bryd nid yw'n rhagfynegi nac yn cynllunio ar gyfer unrhyw ostyngiad yn niferoedd y myfyrwyr ar y cyfan mewn blynyddoedd yn y dyfodol<sup>10</sup>.


### Ni fydd Llywodraeth Cymru yn cael popeth yn ôl sy'n ddyledus iddi mewn ad-daliadau ar fenthyciadau

- 36 Mae **Arddangosyn 10** yn dangos bod cyfanswm gwerth y benthyciadau sy'n ddyledus i Lywodraeth Cymru wedi cynyddu'n gyson o £3.2 biliwn yn 2015-16 i £5.3 biliwn yn 2019-20. Y rheswm dros hyn yw bod benthyciadau newydd a llog wedi gwrthbwysu ad-daliadau dyledion a ddilëwyd.
- 37 Fodd bynnag, mae'r adenilladwyedd – y gyfran y mae Llywodraeth Cymru'n amcangyfrif y bydd yn ei hadennill – wedi bod yn lleihau dros yr un cyfnod. Y prif reswm dros y lleihad hwn yw bod newidiadau o ganlyniad i Adolygiad Diamond wedi golygu bod mwy o fyfyrwyr yn cymryd benthyciadau mwy sy'n llai tebygol o gael eu had-dalu'n llawn. Ar ddiwedd 2015-16, roedd Llywodraeth Cymru'n amcangyfrif y byddai'n adennill oddeutu 81% o'r benthyciadau a oedd yn dal yn ddyledus. Erbyn diwedd 2019-20, roedd hyn wedi gostwng i 65%, gan olygu, am bod £1 a oedd yn dal yn ddyledus i Lywodraeth Cymru, ei bod yn amcangyfrif y byddai'n adennill 65c.

9 UCAS, [Ffigyrau ymgeiswyr cylch 2020 – terfyn amser 30 Mehefin](#) (Saesneg yn unig)

10 Mae Llywodraeth Cymru'n rhagweld nifer y myfyrwyr a fydd yn ymgeisio am le mewn prifysgol, gan ddefnyddio data gan UCAS, yr Asiantaeth Ystadegau Addysg Uwch a'r Cwmni Benthyciadau i Fyfyrwyr. Mae'n defnyddio dull darbodus i sicrhau bod rhagolygon yn cynnwys digon o hyblygrwydd i allu ariannu codiadau annisgwyl yn y galw am gyllid myfyrwyr.

## Arddangosyn 10: symiau sy'n ddyledus gan gyn-fyfyrwyr a'r lefel ad-dalu a amcangyfrifir, rhwng 2015-16 a 2019-20



Ffynhonnell: Cyfrifon Cyfunol Llywodraeth Cymru, Nodyn 6 a phapurau gwaith ategols


- 38 Mae'r balans benthyciadau i fyfyrwyr y mae Llywodraeth Cymru'n amcangyfrif y bydd yn ei adennill - £3.5 biliwn yn 2019-20 – yn un o'r asedau mwyaf sydd wedi'u cofnodi yng nghyfrifon Llywodraeth Cymru. Mae'n cynrychioli oddeutu 15% o gyfanswm balans asedau Llywodraeth Cymru o £24 biliwn. O ystyried maint yr ased hwn, mae'n bwysig bod amcangyfrifon Llywodraeth Cymru mor gadarn â phosibl.

- 39 Mae Llywodraeth Cymru wedi ysgrifennu'n flaenorol at Bwyllgor Cyfrifon Cyhoeddus y Senedd i ddarparu rhagor o fanylion am ei dull amcangyfrif a modelu<sup>11</sup>. I grynhoi, mae Llywodraeth Cymru'n cyfrifo amcangyfrif ystadegol o'r arian y mae'n disgwyl iddo gael ei dalu'n ôl, yn seiliedig ar set gymhleth o dybiaethau ynghylch demograffeg benthycwyr, eu henillion yn y dyfodol, a thwf economaidd am ddegawdau yn y dyfodol. Mae'r cyfrifiadau'n deillio o fodel ariannol a ddarperir ar gyfer Llywodraeth Cymru gan Adran Addysg Llywodraeth y DU. Mae Llywodraeth Cymru'n addasu'r model i sicrhau ei addasrwydd i Gymru.
- 40 Mae Archwilio Cymru'n cynnal asesiad lefel uchel o'r model fel rhan o'n harchwiliad blynyddol o gyfrifon Llywodraeth Cymru. Daeth ein harchwiliad diwethaf yn 2019-20 i'r casgliad bod yr amcangyfrif a ddefnyddir gan Lywodraeth Cymru'n rhesymol ym mhob agwedd berthnasol.
- 41 Mae **Arddangosyn 11** yn dangos y strwythur llywodraethu ar gyfer cyllid myfyrwyr yn Llywodraeth Cymru, sy'n cynnwys dau grŵp sydd â gorchwyl i ragweld a modelu costau yn y dyfodol. Mae'r Grŵp Defnyddwyr Rhagweld Cymorth i Fyfyrwyr yn trafod materion sy'n effeithio ar y rhagolygon ar gyfer cymorth i fyfyrwyr, gan gynnwys niferoedd y myfyrwyr a newidiadau i bolisi addysg uwch. Mae'r Grŵp Cyllidebu, Cynghori a Thechnegol ar gyfer Cyllid Myfyrwyr yn gwneud gwaith manwl mewn perthynas â newidiadau mewn polisi, modelu a chyfrifyddu. Mae'r Bwrdd Cyfarwyddwyr Cyllid Myfyrwyr yn adolygu ac yn cymeradwyo argymhellion o'r Grŵp Defnyddwyr Rhagweld Cymorth i Fyfyrwyr a'r Grŵp Cyllidebu, Cynghori a Thechnegol ar gyfer Cyllid Myfyrwyr yn ogystal â thrafod materion sy'n effeithio ar gyllidebau, gwariant ac adroddiadau ariannol ym maes cyllid myfyrwyr. Mae'r Cylch Gorchwyl ar gyfer y Bwrdd Cyfarwyddwyr Cyllid Myfyrwyr yn datgan y dylai gwrdd bob chwarter, neu'n amlach yn ôl disgrisiwn y Cadeirydd, er mai dim ond dwywaith y mae wedi cwrdd yn y flwyddyn ddiwethaf.

---

11 Llywodraeth Cymru, Llythyr oddi wrth yr Ysgrifennydd Parhaol at y Pwyllgor Cyfrifon Cyhoeddus, 7 Ionawr 2021

### Arddangosyn 11: y strwythur llywodraethu ar gyfer cyllid myfyrwyr yn Llywodraeth Cymru



Ffynhonnell: Archwilio Cymru, seiliedig ar wybodaeth gan Lywodraeth Cymru



**Goruchwyliaeth  
Llywodraeth  
Cymru ar weinyddu  
cyllid myfyrwyr**

---

**03**

## Mae Llywodraeth Cymru wedi bod yn talu ychydig dros £20 miliwn y flwyddyn i'r Cwmni Benthyciadau i Fyfirwyr i weinyddu cyllid myfyrwyr

- 42 Er nad yw Llywodraeth Cymru'n gwneud taliadau'n uniongyrchol i fyfirwyr, rhaid iddi oruchwylio gwaith y Cwmni Benthyciadau i Fyfirwyr a Cyllid Myfyrwyr Cymru i sicrhau bod y system yn cael ei gweinyddu'n effeithiol a'i bod yn sicrhau gwerth am arian. Rhwng 2018-19 a 2020-21, talodd Llywodraeth Cymru ychydig dros £20 miliwn y flwyddyn – a chyfanswm o £68.8 miliwn – i'r Cwmni Benthyciadau i Fyfirwyr i weinyddu cyllid myfyrwyr ar ei rhan (**Arddangosyn 12**).

### Arddangosyn 12: cyllid a ddarparwyd gan Lywodraeth Cymru ar gyfer y Cwmni Benthyciadau i Fyfirwyr i weinyddu cyllid myfyrwyr, rhwng 2018-19 a 2020-21

2018-19	2019-20	2020-21	Cyfanswm
£23.6 miliwn	£21.8 miliwn	£23.4 miliwn	<b>£68.8 miliwn</b>

Sylwer: nid yw'r swm y mae Llywodraeth Cymru'n ei dalu i'r Cwmni Benthyciadau i Fyfirwyr i weinyddu cyllid myfyrwyr yn swm sefydlog ac mae'n newid bob blwyddyn yn unol â'r hyn y gofynnir i'r Cwmni Benthyciadau i Fyfirwyr ei gyflawni. Mae'r arian a restrir yn cwmpasu cost gweinyddu o ddydd i ddydd a chost prosiectau newid y gofynnir amdanynt gan Lywodraeth Cymru. Nid yw'r arian a restrir yn cynnwys unrhyw daliadau a wneir trwy fenthyciadau neu grantiau i fyfirwyr.

Ffynhonnell: Llywodraeth Cymru

## Mae Llywodraeth Cymru'n cael peth sicrwydd o gyfranogi yn nhrefniadau llywodraethu cyffredinol y Cwmni Benthyciadau i Fyfirwyr

- 43 Fel un o gyfranddalwyr y Cwmni Benthyciadau i Fyfirwyr, mae Llywodraeth Cymru'n cyfranogi yn nhrefniadau llywodraethu'r Cwmni Benthyciadau i Fyfirwyr gyda'r llywodraethau eraill sy'n gyfranddalwyr. Yn gyffredin â llywodraethau eraill y DU, mae Llywodraeth Cymru'n penodi 'aseswr' i fynychu cyfarfodydd bwrdd a phwyllgorau'r Cwmni Benthyciadau i Fyfirwyr. Nid yw'r aseswr yn aelod llawn o'r bwrdd, ond mae fwy neu lai'n sylwedydd ac yn gweithredu fel cynrychiolydd Llywodraeth Cymru. Mae gan yr aseswr fynediad at yr holl wybodaeth a, lywodraethu mewnol y mae'r Cwmni Benthyciadau i Fyfirwyr yn ei defnyddio i oruchwylio'r broses gyflawni a goleuo prosesau penderfynu, er enghraifft mewn perthynas â chyllid, perfformiad y gwasanaeth a rheoli risg.

- 44 Y Swyddfa Archwilio Genedlaethol yw archwilydd allanol y Cwmni Benthyciadau i Fyfywyr. Cynhaliwyd asesiad sylweddol o'r Cwmni Benthyciadau i Fyfywyr yn 2019 hefyd trwy 'Adolygiad wedi'i Deilwra' gan Lywodraeth y DU<sup>12</sup>. Fe wnaeth yr Adolygiad wedi'i Deilwra fwrw golwg ar 'iechyd gweithredol' y Cwmni Benthyciadau i Fyfywyr, pa un a oedd yn addas ar gyfer y diben, yn cael ei lywodraethu'n dda ac yn cael ei redeg yn effeithiol ac yn effeithlon. Canfu'r adolygiad fod y Cwmni Benthyciadau i Fyfywyr yn cyrraedd y mwyafrif o'i dargedau ond amlygodd fwch o ran effeithlonrwydd a bod systemau TG yn hen ac yn cynyddu cymhlethdod a chostau. Amlygodd yr adolygiad amryw faterion staffio hefyd. Tynnodd sylw at gyfleoedd i wella gwasanaeth cwsmeriaid a'r gwerth am arian y mae'r Cwmni Benthyciadau i Fyfywyr yn ei ddarparu ac amlygodd gynlluniau ar gyfer rhaglen drawsnewid, sydd bellach yn y camau olaf o ran ei rhoi ar waith. Mae Llywodraeth Cymru wedi'i hargyhoeddi bod y rhaglen drawsnewid eisoes wedi dwyn rhai gwelliannau i'r system.
- 45 Mae Asiantaeth Archwilio Mewnol y Llywodraeth yn darparu ffynhonnell sicrwydd arall. Yn 2020-21, darparodd Asiantaeth Archwilio Mewnol y Llywodraeth farn 'gymedrol' ar y fframwaith llywodraethu, rheoli risg a rheolaeth o fewn y Cwmni Benthyciadau i Fyfywyr. Ac ym mis Gorffennaf 2021, adroddodd Asiantaeth Archwilio Mewnol y Llywodraeth ar ganlyniadau ei hadolygiad blynyddol o gywirdeb taliadau cymorth a wnaed i fyfyrwyr yn 2020-21. Mae'r ymarfer yn bwrw golwg ar sampl o daliadau cymorth myfyrwyr a wnaed gan y Cwmni Benthyciadau i Fyfywyr ar ran Llywodraeth Cymru yn ystod blwyddyn ariannol ac yn darparu amcangyfrif o gyfradd gwallau ar gyfer rheoleidd-dra taliadau a gymeradwywyd gan Cyllid Myfyrwyr Cymru. Roedd y gyfradd gwallau net a amcangyfrifwyd yn seiliedig ar brofi sampl yn 2020-21 yn 2.23%, yr oedd 2.02% ohonynt yn cael eu hystyried yn dwyll a 0.21% yn wallau gan y Cwmni Benthyciadau i Fyfywyr<sup>13</sup>.

---

12 Adran Addysg Llywodraeth y DU, [Adolygiad wedi'i Deilwra: Y Cwmni Benthyciadau i Fyfywyr](#), Gorffennaf 2019

13 Cyfrifwyd y gyfradd gwallau net yn 2020-21 o sampl o 200 o drafodion â gwerth samplu ar y cyfan o oddeutu £400,000. Cafodd y ffigwr hwn ei allosod yn erbyn yr £1.2 biliwn mewn taliadau a wnaed gan Cyllid Myfyrwyr Cymru am gymorth i fyfyrwyr addysg uwch ar ran Llywodraeth Cymru, gan arwain at ordaliad trwy wall o £25.9 miliwn ar y cyfan yn ôl yr amcangyfrif.

## **Mae Llywodraeth Cymru wedi'i hargyhoeddi bod ganddi lais cyfartal yn y broses o bennu amcanion polisi ar gyfer y Cwmni Benthyciadau i Fyfywrwyr ond nid oes sancsiynau gwirioneddol am beidio â chyflawni**

- 46 Fel cyfranddaliwr, mae Llywodraeth Cymru'n gweithio gyda llywodraethau eraill y DU i ddatblygu amcanion polisi'r Cwmni Benthyciadau i Fyfywrwyr, gan ystyried unrhyw newidiadau i ddeddfwriaeth a pholisi perthnasol ledled y gwahanol rannau o'r DU. Gyda'i gilydd, mae'r llywodraethau hefyd yn pennu'r adnoddau blynyddol y mae ar y Cwmni Benthyciadau i Fyfywrwyr eu hangen ac yn datblygu dangosyddion perfformiad allweddol ar gyfer monitro effeithiolrwydd y Cwmni Benthyciadau i Fyfywrwyr. Mae'r llywodraethau'n cydweithio i gyflawni'r cyfrifoldebau hyn trwy Gydbwyllgor Pedrochrog.
- 47 Mae'r Cydbwyllgor Pedrochrog yn cwrdd yn fisol i gyflawni ei swyddogaethau sy'n cynnwys, lle bynnag y bo'n bosibl, sicrhau bod datblygiad polisi'n gyson ar draws pob un o'r pedair llywodraeth ac na roddir gormod o ffafriaeth i'r un cyfranddaliwr. Caiff y Cydbwyllgor Pedrochrog ei gadeirio gan Ddirprwy Gyfarwyddwr Adran Addysg Llywodraeth y DU, sy'n gweithredu fel 'brocer gonest', rôl a gyflwynwyd i sicrhau tegwch a niwtraliaeth o ran gwneud penderfyniadau. Nid yw'r brocer gonest yn mynychu fel un o gynrychiolwyr Llywodraeth y DU; caiff y swyddogaeth hon ei chyflawni gan gynrychiolydd arall.
- 48 Mae Llywodraeth Cymru'n cydweithio'n effeithiol gyda llywodraethau eraill y DU, ac yn teimlo'i bod yn cael ei thrin fel aelod cyfartal er ei bod yn gyfranddaliwr cymharol fach. Dywedodd swyddogion Llywodraeth Cymru wrthym y bu achosion yn y gorffennol pan fo Llywodraeth Cymru wedi teimlo nad oedd yn cael ei thrin fel aelod cyfartal, ond bod y sefyllfa wedi gwella dros amser gan bod trefniadau wedi aeddfedu a thrwy feithrin perthnasoedd cadarnhaol â llywodraethau eraill y DU a'r Cwmni Benthyciadau i Fyfywrwyr.
- 49 Ar ran pob un o'r pedair llywodraeth yn y DU, mae'r Adran Addysg yn anfon Cytundeb Perfformiad ac Adnoddau Blynyddol at y Cwmni Benthyciadau i Fyfywrwyr. Mae'r cytundeb yn nodi'r hyn y disgwylir i'r Cwmni Benthyciadau i Fyfywrwyr ei gyflawni. Mae'n nodi blaenoriaethau'r cyfranddalwyr am y flwyddyn, yr adnoddau y cadarnhawyd y byddant yn cael eu dirprwyo i'r Cwmni Benthyciadau i Fyfywrwyr a'r mesurau perfformiad y cytunwyd arnynt ac unrhyw dargedau cysylltiedig.



- 50 Mae'r Cydbwyllgor Pedrochrog yn cael dangosfwrdd sy'n ystyried y modd y cyflawnwyd blaenoriaethau a newidiadau polisi y cytunwyd arnynt yn y Cytundeb Perfformiad ac Adnoddau Blynyddol. Mae'r dangosfwrdd yn darparu dealltwriaeth pa un a yw blaenoriaethau ar y trywydd iawn i gael eu cyflawni'n amserol ac unrhyw danwariant a allai ddigwydd o ganlyniad i oedi wrth gyflawni prosiectau. Mae gan y Cydbwyllgor Pedrochrog broses ar gyfer penderfynu sut i ddefnyddio unrhyw danwariant yn ystod y flwyddyn ar flaenoriaethau sy'n dod i'r amlwg.
- 51 Fodd bynnag, nid oes gan Lywodraeth Cymru unrhyw sancsiynau gwirioneddol y gall eu cymryd pe bai'r Cwmni Benthyciadau i Fyfywyr yn tanberfformio neu'n peidio â chyflawni'r blaenoriaethau y cytunwyd arnynt. Y rheswm dros hyn yw mai un o gyfranddalwyr y Cwmni Benthyciadau i Fyfywyr yw Llywodraeth Cymru ac felly y byddai cadw taliadau yn ôl neu sancsiynau ariannol eraill yn debygol o gael effeithiau uniongyrchol ar allu'r Cwmni Benthyciadau i Fyfywyr i ddarparu gwasanaethau ar gyfer myfyrwyr o Gymru.

### **Mae trefn Llywodraeth Cymru ar gyfer goruchwyllo'r modd y gweinyddir cyllid myfyrwyr yn gweithio'n dda ond yn dibynnu'n helaeth ar nifer fach o swyddogion**

- 52 Tîm Noddi'r Cwmni Benthyciadau i Fyfywyr yn Llywodraeth Cymru sy'n goruchwyllo'r broses o reoli cyllid myfyrwyr o ddydd i ddydd. Mae'r tîm yn gweithio gyda Cyllid Myfyrwyr Cymru i fonitro trefniadau cyflawni a pherfformiad mewn amser real ac ymdrin â materion o ran ansawdd a chwynion gan fyfyrwyr.
- 53 Mae gan Lywodraeth Cymru a Cyllid Myfyrwyr Cymru gyfarfodydd 'cadw mewn cysylltiad' pythefnosol lle maent yn adolygu nifer y galwadau a gafwyd, canran y galwadau a atebwyd, nifer y ceisiadau a gafwyd, a gymeradwywyd ac a dalwyd, cyflymder prosesu ceisiadau a chymau gweithredu i liniaru ôl-groniadau sy'n ymffurfio, cwynion gan fyfyrwyr ac unrhyw faterion sy'n dod i'r amlwg a allai effeithio ar ddarparu'r gwasanaeth. Arferai'r cyfarfodydd hyn fod yn rhai wythnosol. Fe benderfynodd Llywodraeth Cymru ym mis Tachwedd 2020 y byddai'n cynnal cyfarfodydd llai mynych am ei bod yn fodlon gan mwyaf ar berfformiad Cyllid Myfyrwyr Cymru. Mae Llywodraeth Cymru'n cyfathrebu'n rheolaidd gyda Cyllid Myfyrwyr Cymru y tu allan i'r cyfarfodydd pythefnosol ac mae'r ddau barti'n dweud bod ganddynt berthnasoedd da a threfniadau cyfathrebu effeithiol i ymdrin â materion wrth iddynt godi.

- 54 Dywedodd Llywodraeth Cymru wrthym fod ei Hisadran Addysg Uwch wedi hen ennill ei phlwyf gydag aelodau hirsefydlog o'r tîm sy'n meddu ar wybodaeth a phrofiad sylweddol. Fodd bynnag, mae llawer o'r cyfrifoldeb am gynnal y berthynas â'r Cwmni Benthyciadau i Fyfywyr a Cyllid Myfyrwyr Cymru'n cael ei ysgwyddo gan nifer fach o staff. Mae hyn yn achosi risg y gallai absenoldeb neu ymadawiad staff amharu ar waith y tîm ac y gallai olygu na fyddai materion cyllidebol ac o ran perfformiad yn cael eu hystyried mewn modd amserol. Mae trefniadau cyflenwi wedi gweithio'n dda yn flaenorol ond mae swyddi gwag hirdymor yn y tîm oherwydd secondiadau wedi ychwanegu pwysau ar aelodau eraill o'r tîm.
- 55 Er nad yw'n ymwneud yn uniongyrchol â'r berthynas o ddydd i ddydd â'r Cwmni Benthyciadau i Fyfywyr, mae gan Lywodraeth Cymru hefyd Dîm Polisi ac Is-ddeddfwriaeth Cymorth Myfyrwyr sy'n goruchwyllo newidiadau polisi a gweithredu rheoleiddiol, ynghyd â Thîm Ystadegau a Chyllid Addysg Uwch sy'n ystyried rhagolygon a thueddiadau. Rhoddir cymorth anuniongyrchol hefyd trwy dimau llywodraethu adrannol ehangach sy'n goruchwyllo'r broses o reoli cyllidebau mewnol a gofynion adrodd.

## Ceir rhai cyfyngiadau i'r modd y mae Llywodraeth Cymru'n craffu'n gyffredinol ar berfformiad y Cwmni Benthyciadau i Fyfywyr

### Mae gweithgarwch i graffu'n ffurfiol ar berfformiad y Cwmni Benthyciadau i Fyfywyr yn canolbwyntio ar ddata ar gyfer y DU gyfan ond mae Llywodraeth Cymru wedi gwella'i defnydd o ddata sy'n ymwneud yn benodol â Chymru ar lefel weithredol

- 56 Mae **Atodiad 2** yn nodi'r rhestr lawn o ddangosyddion perfformiad allweddol a mesurau cysylltiedig y mae'n ofynnol i'r Cwmni Benthyciadau i Fyfywyr adrodd yn eu herbyn. Y prif ddisgwyliadau ar gyfer y Cwmni Benthyciadau i Fyfywyr a nodir yn y Cytundeb Perfformiad ac Adnoddau Blynyddol ar gyfer 2020-21 yw:
- darparu gwasanaeth cwsmeriaid gwych yn seiliedig ar arlwy ddigidol gynyddol, gan leihau cyswllt y gellir ei osgoi, a sicrhau y cydymffurfir â rheoliadau diogelu data ac arfer gorau o ran seiberddiogelwch.
  - trwy bob cylch academaidd, darparu cynhyrchion presennol yn ddiogel, yn effeithiol, yn gynaliadwy, ac yn effeithlon.
  - cynyddu cydymffurfiaeth o ran ad-daliadau, gweinyddu'r llyfr benthyciadau'n effeithiol ac yn effeithlon; yn ogystal â chyflawni rhwymedigaethau ar ôl gwerthu benthyciadau a chefnogi gwerthiannau yn y dyfodol.
  - rheoli prosiectau newid mewn modd amserol, gan daro cydbwysedd rhwng y gost ymarferol isaf a'r angen i gyflawni deilliannau ansawdd a manteision y cytunwyd arnynt.

- gwella rheolaeth ariannol a chydymffurfiaeth â rheolaethau'r llywodraeth a rheolaethau eraill, trwy weithlu a reolir yn dda, sy'n fedrus, yn ymgysylltiol ac yn cael ei wobrwyo'n briodol.
- 57 Mae bwrdd y Cwmni Benthyciadau i Fyfirwyr yn ystyried perfformiad yn erbyn y mesurau yn y Cytundeb Perfformiad ac Adnoddau Blynyddol ar sail chwarterol. Mae'r wybodaeth a gaiff ei hystyried yn wybodaeth ar gyfer y Cwmni Benthyciadau i Fyfirwyr yn ei gyfanrwydd ac nid yw'r bwrdd yn cael data sy'n ymwneud yn benodol â Chymru i ystyried a yw perfformiad ar gyfer Cymru'n dda ac yn cymharu'n ffafriol â rhannau eraill o'r DU. Mae'r Cwmni Benthyciadau i Fyfirwyr wedi cydnabod, gan bod y mwyafrif o'r gweithgarwch cyllid myfyrwyr yn ymwneud â myfyrwyr yn Lloegr, bod risg y gallai effaith data ar gyfer Lloegr ar y darlun cyffredinol gelu materion yn y trefniadau cyflawni mewn gwledydd eraill. Mae gwelliannau yn yr arfaeth, gyda'r Cwmni Benthyciadau i Fyfirwyr yn datblygu dangosfwrdd newydd i ddarparu rhagor o fanylion ar gyfer pob un o bedair gwlad y DU.
- 58 Fe barhaodd y broses ar gyfer monitro perfformiad y Cwmni Benthyciadau i Fyfirwyr yn 2020-21. Fodd bynnag, fe benderfynodd y Cydbwyllgor Pedrochrog atal y trefniadau perfformiad ffurfiol a nodir yn y Cytundeb Perfformiad ac Adnoddau Blynyddol oherwydd pwysau ychwanegol COVID-19 a'r effeithiau posibl ar ddarparu. Gan hynny, ni osodwyd unrhyw dargedau ffurfiol ar gyfer mesurau 2020-21 (**Atodiad 2**), er bod y Cwmni Benthyciadau i Fyfirwyr wedi parhau i fonitro'i berfformiad yn erbyn set o dargedau mewnol. Mae **Atodiad 3** yn darparu crynodeb o berfformiad Cyllid Myfyrwyr Cymru yn seiliedig ar y data a ddarparwyd ar ein cyfer.
- 59 Yn ogystal ag adrodd a chraffu'n ffurfiol ar berfformiad sy'n digwydd trwy drefniadau llywodraethu'r Cwmni Benthyciadau i Fyfirwyr, mae Llywodraeth Cymru'n cynnal cyfarfodydd gweithredol eraill gyda Cyllid Myfyrwyr Cymru a rhanddeiliaid eraill, sy'n rheolaidd yn defnyddio data sy'n ymwneud yn benodol â Chymru. Y ddau brif gyfarfod yw:
- a) cyfarfodydd cadw mewn cysylltiad pythefnosol – mae Llywodraeth Cymru'n cwrdd â Cyllid Myfyrwyr Cymru i gael diweddariad ar lafar ar faterion perfformiad ac i ystyried unrhyw bryderon sy'n dod i'r amlwg ac ymateb iddynt. Tan fis Rhagfyr 2020, roedd y data hwn yn cael ei gyflwyno mewn cyfarfodydd heb i Lywodraeth Cymru gael adroddiad ffurfiol ar ddata. Bellach darperir adroddiad ar gyfer Llywodraeth Cymru cyn y cyfarfod.

- b) cyfarfodydd misol y Grŵp Gweithredol Rhanddeiliaid – mae Llywodraeth Cymru'n cwrdd â'r Cwmni Benthyciadau i Fyfywyr, Adran Addysg Llywodraeth y DU a rhanddeiliaid allweddol eraill i drafod pethau megis nifer y ceisiadau, amseroedd prosesu a nifer y cwynion ar gyfer Cymru. Mae'r Cwmni Benthyciadau i Fyfywyr yn darparu data a graffiau i ddangos perfformiad dros amser. Trwy ddadansoddi data sy'n ymwneud yn benodol â Chymru ar gwynion, mae Llywodraeth Cymru wedi gallu amlygu materion sy'n ymwneud yn benodol â Chymru a rhoi gwelliannau ar waith, gan gynnwys cyflwyno swyddogaeth trin cwynion newydd sy'n benodol i Gymru.

### **Gallai Llywodraeth Cymru wneud defnydd gwell o'r wybodaeth y mae'n ei chael trwy adrodd ar ddata tuag i fyny trwy ei strwythur llywodraethu i ystyried a yw'r Cwmni Benthyciadau i Fyfywyr yn sicrhau gwerth am arian**

- 60 Er bod Llywodraeth Cymru'n defnyddio gwybodaeth am berfformiad i adnabod materion a mynd i'r afael â meysydd sy'n achosi pryder, nid yw'n adrodd ar berfformiad y Cwmni Benthyciadau i Fyfywyr na Cyllid Myfyrwyr Cymru trwy'r trefniadau llywodraethu a ddisgrifir ym **mharagraff 41** ac yn **Arddangosyn 11** ar hyn o bryd. Nid yw ychwaith yn cynnwys gwybodaeth o'r fath am berfformiad trwy adroddiadau chwarterol Sgiliau, Addysg Uwch a Dysgu Gydol Oes Llywodraeth Cymru.
- 61 Mae hyn yn golygu nad oes rhyw lawer o graffu ehangach o fewn strwythurau llywodraethu Llywodraeth Cymru i ganfod a yw'r Cwmni Benthyciadau i Fyfywyr yn cyflawni'r Dangosyddion Perfformiad Allweddol yn y Cytundeb Perfformiad ac Adnoddau Blynyddol ac a yw'r Cwmni Benthyciadau i Fyfywyr yn sicrhau gwerth am arian. Ni roddir rhyw lawer o ystyriaeth ychwaith i'r cwestiwn a yw'r modd y gweinyddir y system cyllid myfyrwyr yng Nghymru'n cyfrannu'n effeithiol tuag at uchelgeisiau ehangach Llywodraeth Cymru ar gyfer addysg uwch.

### **Mae cyfle i gynnwys myfyrwyr mewn modd mwy ystyrlon wrth gynllunio a monitro'r modd y gweinyddir cyllid myfyrwyr**

- 62 Mae ystyried anghenion a phrofiadau defnyddwyr gwasanaethau'n hollbwysig i gynllunio a monitro unrhyw wasanaeth cyhoeddus. Gan hynny, dylai cynnwys myfyrwyr ac ymgysylltu â hwy fod yn hanfodol i weithrediad Cyllid Myfyrwyr Cymru.

- 63 Mae'r Cwmni Benthyciadau i Fyfyrwyr yn cynnal arolwg chwarterol o fodlonrwydd myfyrwyr ledled y DU ac yn adrodd ar brofiad myfyrwyr o ymgeisio am gymorth ariannol, o ryngweithio â staff y Cwmni Benthyciadau i Fyfyrwyr a'u bodlonrwydd ar y broses taliadau ac addaliadau. Mae'r Cwmni Benthyciadau i Fyfyrwyr a Llywodraeth Cymru wedi bod yn trafod sut orau i ailddylunio'r arolwg hwn i gofnodi profiadau myfyrwyr yn y ffordd orau. Ar hyn o bryd, mae myfyrwyr yn cwblhau arolwg ar ddiwedd galwad ffôn neu ymholiad trwy'r e-bost, sy'n creu risg mai dim ond gwybodaeth am brofiadau myfyrwyr sydd wedi dioddef problem neu sydd â chwyn i'w chyfleu fydd yn cael ei chasglu. Byddai dull ehangach, i gasglu nifer fwy o ymatebion, yn darparu darlun gwell o brofiadau myfyrwyr o'r broses o ymgeisio am gymorth ariannol a'i gael o'i dechrau i'w diwedd. Rydym yn nodi bod y Cwmni Benthyciadau i Fyfyrwyr wedi cymryd y cam cadarnhaol yn ddiweddar i sefydlu Panel Cwsmeriaid Cyllid Myfyrwyr gyda thri chynrychiolydd o Gymru.
- 64 Yn fwy eang, mae gan Lywodraeth Cymru drefniadau i ymgysylltu â grwpiau myfyrwyr buddiant arbennig ac ymgynghori â hwy ynghylch newidiadau arfaethedig i'r pecyn cymorth ariannol. Fodd bynnag, mae Deddf Llesiant Cenedlaethau'r Dyfodol (Cymru) 2015 yn ei gwneud yn ofynnol i gyrff cyhoeddus ailfeddwl sut y caiff pobl eu cynnwys yn y broses o lunio gwasanaethau cyhoeddus. Mae cyfle i gynnwys myfyrwyr yn gynharach yn y broses benderfynu i roi mewnwelediad gwell i Lywodraeth Cymru ynglŷn â barn a phrofiadau myfyrwyr, yn hytrach nag ymgynghori'n hwyrach yn y broses pan fo cynigion i newid y pecyn cymorth eisoes wedi cael eu drafftio.

### **Nid oes gan Lywodraeth Cymru unrhyw gynlluniau ar hyn o bryd i symud i fwrdd oddi wrth y model sy'n golygu bod y Cwmni Benthyciadau i Fyfyrwyr yn gweinyddu cymorth i fyfyrwyr ar ei rhan**

- 65 Fe gododd yr Adolygiad wedi'i Deilwra gan Lywodraeth y DU (**paragraff 44**) nifer o argymhellion ar gyfer gwella yn y Cwmni Benthyciadau i Fyfyrwyr. Nododd hefyd fod Llywodraeth Cymru'n ystyried dewisiadau eraill yn lle'r model cyflawni cyfredol sy'n golygu bod y Cwmni Benthyciadau i Fyfyrwyr yn gweinyddu cymorth i fyfyrwyr ar ei rhan.
- 66 Fe wnaeth Llywodraeth Cymru waith cwmpasu fel rhan o 'Adolygiad Darganfod' i fapio'r gwasanaethau a ddarperir gan y Cwmni Benthyciadau i Fyfyrwyr ar ei rhan ac i nodi camau nesaf posibl ar gyfer archwilio modelau amgen. Fodd bynnag, ar hyn o bryd, gyda Llywodraeth Cymru'n fodlon gan mwyaf ar y gwasanaeth y mae'n ei gael gan y Cwmni Benthyciadau i Fyfyrwyr, nid oes cynlluniau i roi ystyriaeth bellach i fodolau amgen.



# Atodiadau

---

- 1 Ymagwedd a dulliau archwilio
- 2 Dangosyddion perfformiad y Cwmni Benthyciadau i Fyfyrrwyr, 2019-20 a 2020-21
- 3 Perfformiad Cyllid Myfyrrwyr Cymru

# 1 Ymagwedd a dulliau archwilio

Nod ein hadolygiad oedd darparu trosolwg lefel uchel o gyllid myfyrwyr yng Nghymru, ac ystyried a yw Llywodraeth Cymru'n mynd ati'n effeithiol i oruchwylio'r modd y gweinyddir cyllid myfyrwyr. Rydym wedi adeiladu ar beth o'r dadansoddiad ariannol yn ein sylwebaeth ar Gyfrifon Cyfunol Llywodraeth Cymru<sup>14</sup>. Mae **Arddangosyn 13** yn nodi ein dulliau archwilio.

Fe ganolbwyntiom ni ar rôl Llywodraeth Cymru. Nid ydym wedi ceisio dod i'n casgliadau ein hunain ynghylch effeithiolrwydd gwaith y Cwmni Benthyciadau i Fyfirwyr a Cyllid Myfyrwyr Cymru, er bod ein hadroddiad yn adlewyrchu gwybodaeth am berfformiad a ddarparwyd gan y Cwmni Benthyciadau i Fyfirwyr a'n bod wedi cyfeirio at yr Adolygiad wedi'i Deilwra a ddarparodd asesiad ar y cyfan o berfformiad y Cwmni Benthyciadau i Fyfirwyr yn 2019. Caiff y Cwmni Benthyciadau i Fyfirwyr ei archwilio gan y Swyddfa Archwilio Genedlaethol, yr ydym wedi cadw mewn cysylltiad â hi yn ystod ein gwaith.

Nid ydym wedi gwerthuso a yw'r cymorth ariannol y mae Llywodraeth Cymru yn ei roi i fyfirwyr yn sicrhau gwerth am arian yng nghyd-destun amcanion ehangach Llywodraeth Cymru ar gyfer cyfranogi mewn addysg uwch.

## Arddangosyn 13: dulliau archwilio

<p>Adolygu dogfennau a data</p>	<p>Fe wnaethom adolygu dogfennau sy'n ymwneud â'r cefndir polisi addysg uwch yng Nghymru, cofnodion fforymau perthnasol, cofrestrau risg, y Cytundeb Perfformiad ac Adnoddau Blynyddol, adroddiadau monitro, adroddiadau archwilio mewnol a.y.b.</p> <p>Fe wnaethom hefyd adolygu data mewn perthynas â'r galw am gyllid myfyrwyr, gwariant Llywodraeth Cymru, a pherfformiad y Cwmni Benthyciadau i Fyfirwyr a Cyllid Myfyrwyr Cymru ar ran Llywodraeth Cymru.</p>
<p>Cyfweliadau ac arsylwadau</p>	<p>Fe gynhaliom ni nifer fach o gyfweliadau â staff sy'n rhan o weinyddu a goruchwylio'r system cyllid myfyrwyr, gan gynnwys staff o Lywodraeth Cymru, y Cwmni Benthyciadau i Fyfirwyr a Cyllid Myfyrwyr Cymru.</p> <p>I gael dealltwriaeth well am brofiadau myfyrwyr a phrifysgolion, fe siaradom ni gyda chynrychiolwyr Undeb Cenedlaethol y Myfyrwyr (Cymru) a Prifysgolion Cymru. Fe wnaethom hefyd drafod themâu'r cwynion yn y gorffennol mewn perthynas â chyllid myfyrwyr gyda swyddogion o swyddfa Ombwdsmon Gwasanaethau Cyhoeddus Cymru.</p> <p>Yn olaf, fe arsylwom ni ar nifer fach o gyfarfodydd a oedd yn gysylltiedig â goruchwylio, llywodraethu a rheoli cyllid myfyrwyr yng Nghymru.</p>

14 Archwilydd Cyffredinol Cymru, [Sylwadau ar Gyfrifon Cyfunol Llywodraeth Cymru 2019-20](#), Tachwedd 2020

## **2 Dangosyddion perfformiad y Cwmni Benthyciadau i Fyfyrrwyr, 2019-20 a 2020-21**

Mae'r atodiad hwn yn nodi'r dangosyddion perfformiad allweddol a mesurau cysylltiedig y cytunwyd arnynt ar gyfer y Cwmni Benthyciadau i Fyfyrrwyr yn 2019-20 a 2020-21. Ar ran pob un o'r pedair llywodraeth yn y DU, mae'r Adran Addysg yn rhoi Cytundeb Perfformiad ac Adnoddau Blynyddol i'r Cwmni Benthyciadau i Fyfyrrwyr.

Yn 2019-20, roedd y Cytundeb Perfformiad ac Adnoddau Blynyddol yn nodi casgliad o fesurau a thargedau cysylltiedig i'r Cwmni Benthyciadau i Fyfyrrwyr eu cyflawni wrth ddarparu cyllid myfyrwyr, y cafodd rhai ohonynt eu hadnabod fel dangosyddion perfformiad allweddol penodol. Roedd Cytundeb 2020-21 hefyd yn nodi casgliad o fesurau, ond ni chafodd yr un ohonynt ei nodi ar wahân fel dangosydd perfformiad allweddol ac ni phennwyd unrhyw dargedau oherwydd pwysau ychwanegol COVID-19 a'r effaith bosibl ar ddarparu.

Nid yw rhai o'r mesurau'n berthnasol i'r Alban a Gogledd Iwerddon am nad yw'r Cwmni Benthyciadau i Fyfyrrwyr yn darparu gwasanaeth llawn, o ddechrau'r broses i'w diwedd, ar gyfer cyllid myfyrwyr yn y gwledydd hyn.



**Darparu gwasanaeth cwsmeriaid gwych yn seiliedig ar arlwy ddigidol gynyddol, gan leihau cyswllt y gellir ei osgoi, a sicrhau y cydymffurfir â rheoliadau diogelu data ac arfer gorau o ran seiberddiogelwch.**

2019-20		2020-21	
Mesur	Targed	Mesur	Targed
Nifer cyfartalog y galwadau sy'n dod i mewn am bob cais (Dangosydd Perfformiad Allweddol)	Targed: 2.42	Canran y cwsmeriaid ymgeisio i dalu sy'n fodlon	Dim targed
Canran y cwsmeriaid ymgeisio i dalu sy'n fodlon	Targed: $\geq 85\%$	Canran y cwsmeriaid ad-dalu sy'n fodlon	Dim targed
Canran y cwsmeriaid ad-dalu sy'n fodlon	Targed: $\geq 73.54\%$		
Nifer y cwynion a dderbyniwyd am bob 10,000 o gwsmeriaid ymgeisio i dalu	Targed: $\leq 1$		
Nifer y cwynion a dderbyniwyd am bob 10,000 o gwsmeriaid ad-daliadau	Targed: $\leq 0.2$		
Canran y ceisiadau gan israddedigion a gwblhawyd heb alwad ffôn i mewn	Targed: $\geq 66\%$		

**Trwy bob cylch academiaidd, darparu cynhyrchion presennol yn ddiogel, yn effeithiol, yn gynaliadwy, ac yn effeithlon.**

2019-20		2020-21	
Mesur	Targed	Mesur	Targed
Canran y ceisiadau gan israddedigion a broseswyd o fewn 70 diwrnod calendr rhwng cyflwyno'r cais a derbyn cynnig cyntaf o hawlogaeth i fenthyciad/ grant gan y cwsmer (Dangosydd Perfformiad Allweddol)	Targed 91%	Canran y ceisiadau gan israddedigion a broseswyd o fewn 70 diwrnod calendr rhwng cyflwyno'r cais a derbyn cynnig cyntaf o hawlogaeth i fenthyciad/ grant gan y cwsmer	Dim targed
Canran y galwadau a atebwyd	Targed: 90%	Amseroldeb Galwadau: Canran y galwadau a atebwyd o fewn 180 eiliad	Dim targed
Canran y ceisiadau a broseswyd yn gywir y tro cyntaf heb yr angen am weithio drwyddynt eto	Targed: monitro yn ystod 2019-20 i hwn fod yn Ddangosydd Perfformiad Allweddol yn 2020-21	Ansawdd Prosesu / Cywir y tro cyntaf:  Ansawdd Prosesu / Cywir y tro cyntaf: Canran y ceisiadau a broseswyd yn gywir y tro cyntaf heb yr angen am weithio drwyddynt eto	Dim targed  Dim targed

**Cynyddu cydymffurfiaeth o ran ad-daliadau, gweinyddu'r llyfr benthyciadau'n effeithiol ac yn effeithlon; yn ogystal â chyflawni rhwymedigaethau ar ôl.**

2019-20		2020-21	
Mesur	Targed	Mesur	Targed
Canran y benthycwyr yn y sianel ad-dalu gywir (Dangosydd Perfformiad Allweddol)	Targed: $\geq 89.5\%$	Canran y benthycwyr yn y sianel ad-dalu gywir	Dim targed
Canran y garfan sy'n dod i mewn o gwsmeriaid ad-dalu a gafodd eu paru'n llwyddiannus â chofnodion CaThEM	Targed: $\geq 97\%$ erbyn diwedd y flwyddyn	Canran y garfan sy'n dod i mewn o gwsmeriaid ad-dalu a gafodd eu paru'n llwyddiannus â chofnodion CaThEM.	Dim targed

**Rheoli prosiectau newid mewn modd amserol, gan daro cydbwysedd rhwng y gost ymarferol isaf a'r angen i gyflawni deilliannau ansawdd a manteision y cytunwyd arnynt.**

2019-20		2020-21	
Mesur	Targed	Mesur	Targed
Canran y prosiectau newid sydd ar amser (Dangosydd Perfformiad Allweddol)	Targed: 80%	Canran y prosiectau newid Evolve sydd ar amser	Dim targed
Canran y prosiectau newid sydd o fewn y gyllideb (unwaith y mae'r cynllun busnes wedi'i gymeradwyo)	Targed: $\geq 80\%$	Canran y prosiectau newid Polisi sydd ar amser	Dim targed
Adrodd wrth gyfranddalwyr yn fisol am y ganran o gyfanswm y manteision a wireddwyd	Dim targed		

**Gwella rheolaeth ariannol a chydymffurfiaeth â rheolaethau'r llywodraeth a rheolaethau eraill, trwy weithlu a reolir yn dda, sy'n fedrus, yn ymgysylltiol ac yn cael ei wobrwyo'n briodol.**

2019-20		2020-21	
Mesur	Targed	Mesur	Targed
Alldro diwedd blwyddyn i fod o fewn y cyllidebau cymeradwy, yn amodol ar y goddefiannau canlynol (Dangosydd Perfformiad Allweddol)	Targed: +0% / -10% ar gyfer y Terfyn Gwariant Adrannol Gweinyddu a +/- 5% ar gyfer y Terfyn Gwariant Adrannol Rhaglen a Chyfalaf	Alldro diwedd blwyddyn i fod o fewn y cyllidebau cymeradwy, yn amodol ar y goddefiannau canlynol.	Targed: +0% / -10% ar gyfer y Terfyn Gwariant Adrannol Gweinyddu a +/- 5% ar gyfer y Terfyn Gwariant Adrannol Rhaglen a Chyfalaf
Nifer yr ymadawyr fel canran o'r gweithlu ar y cyfan (cyfradd trosiant) (Dangosydd Perfformiad Allweddol)	Targed: $\geq 18\%$	Canran y gweithlu sy'n ymateb yn gadarnhaol i ymgysylltu a/neu arolygon pwls	Dim targed

## 3 Perfformiad Cyllid Myfyrwyr Cymru

Mae ein dadansoddiad lefel uchel o ddata ar berfformiad Cyllid Myfyrwyr Cymru'n awgrymu bod myfyrwyr o Gymru'n gwneud mwy o alwadau ffôn y gellid eu hosgoi i ategu eu cais na myfyrwyr o Loegr. Yn 2019-20 a 2020-21, roedd Cyllid Myfyrwyr Cymru'n gyson yn cael nifer uwch o alwadau ffôn gan fyfyrwyr am bob cais nag yr oedd Student Finance England (SFE) a Cyllid Myfyrwyr Cymru ar y cyd yn eu cael. Bob mis yn ystod 2020-21, ni chyrrhaeddodd Cyllid Myfyrwyr Cymru ei darged mewnol ar gyfer y dangosydd hwn. Gostyngodd perfformiad yn ystod 2020-21 mewn perthynas â chanran y galwadau a atebwyd gan Cyllid Myfyrwyr Cymru hefyd, gyda Cyllid Myfyrwyr Cymru'n cyrraedd ei darged mewnol mewn dim ond 6 o'r 12 mis yn 2020-21.

Fodd bynnag, dengys y data fod ceisiadau israddedig yn cael eu prosesu'n gyflymach yng Nghymru nag yng ngweddill y DU. Yn 2019-20 a 2020-21, mae canran y ceisiadau a gaiff eu prosesu mewn 70 diwrnod calendr<sup>15</sup> wedi bod yn gyson yn uwch yn Cyllid Myfyrwyr Cymru nag yn SFE a Cyllid Myfyrwyr Cymru ar y cyd. Cyrhaeddodd Cyllid Myfyrwyr Cymru ei darged mewnol ar gyfer y dangosydd hwn mewn 8 o'r 12 mis yn 2020-21.

Dengys **Arddangosyn 14** fod bodlonrwydd cwsmeriaid ar y gwasanaeth ad-dalu yn 2018-19 a 2019-20 yn weddol uchel, gan gyrraedd anterth o 86% ym mis Medi 2018. Fodd bynnag, roedd dirywiad amlwg o fis Ebrill 2020 tan fis Rhagfyr 2020 pan ostyngodd bodlonrwydd i isafbwynt o 32%, cyn i'r sefyllfa wella'n gynnar yn 2021. Dengys **Arddangosyn 15** fod dirywiad bach ar y cyfan wedi bod mewn bodlonrwydd ar y gwasanaeth Ymgeisio i Dalu yng Nghymru rhwng 2018-19 a 2020-21, a oedd yn amrywio rhwng 71% a 90%.

---

<sup>15</sup> O'r dyddiad y cyflwynir y cais i'r dyddiad y caiff y cwsmer y cynnig cyntaf o hawlogaeth i fenthyciad/grant.


### Arddangosyn 14: bodlonrwydd cwsmeriaid ar y gwasanaeth ad-dalu



Sylwer: mae gwasanaeth ad-dalu'r Cwmni Benthyciadau i Fyfrwyr yn ymwneud â chyn-fyfrwyr sydd wedi dechrau ad-dalu eu benthyciadau i fyfrwyr.

Ffynhonnell: Y Cwmni Benthyciadau i Fyfrwyr

### Arddangosyn 15: bodlonrwydd ar y gwasanaeth Ymgeisio i Dalu



Sylwer: mae gwasanaeth Ymgeisio i Dalu (A2P) y Cwmni Benthyciadau i Fyfywyr yn ymwneud â'r holl ymgeiswyr am gyllid myfyrwyr, yn llwyddiannus ac aflwyddiannus.

Ffynhonnell: Y Cwmni Benthyciadau i Fyfywyr



Archwilio Cymru  
24 Heol y Gadeirlan  
Caerdydd  
CF11 9LJ

Ffôn: 029 2032 0500

Facs: 029 2032 0600

Ffôn testun: 029 2032 0660

Rydym yn croesawu gohebiaeth a galwadau ffôn yn Gymraeg ac yn Saesneg.

E-bost: [post@archwilio.cymru](mailto:post@archwilio.cymru)

Gwefan: [www.archwilio.cymru](http://www.archwilio.cymru)